

Nossa raspada



CORPORAZIUN
EVANGELICA
VALSOT

Sajat adüna legers! Urai sainz'in-terlasch! Sajat recugnuschaints per tuottas chosas... (1Thess 5,16–18)

Allegra!

Cur cha'ls mans lavuran, vain l'orma quieta. Fond culs spaits, cusind o fond da falegnam as repetan ils movimaints, anza davo anza, splanada davo splanada. In quista repetiziun as rechatta üna forza quieta.

Blers cugnuoschan quist'experiencia: Lavurs a man han ün aspet meditativ. Ils mans sun in movimaint, cheu e cour dvaintan quiets. I's po urar, taschair, seguir alch impissamaint sperapro, tegner adimaint alch o as sentir grà. Mans chi lavuran pon esser mans chi uran.

La relaziun da lavurs a man e spiritualità ha üna lunga tradiziun. Fingia in comunitats monasticas toccaivan lavur ed uraziun insembel. La lavur culs mans nun es mai be lavur, ma üna part importanta d'üna vita sensibla e contemplativa.

Uschè po üna simpla lavur quotidiana d'vantar üna quiet'uraziun, tuot sainza gronds peds, simpla maing cun lavur a man repetitiva.

Cun ün cordial salüd,
vicara Romana Giossi.

Pravenda evangelica

7559 Tschlin

tel. 076 364 91 11

www.valsot-ref.ch

Cults divins marz 2026

Dumengia, ils 8 marz

09:30 Ramosch

vicara Romana Giossi

11:00 Tschlin, cul battaisem da Lucian Janett
rav. Christoph Reutlinger

Dumengia, ils 22 marz

09:30 Strada, cun battaisem da Corvin Janett

11:00 Vnà

17:00 Samignun

rav. Christoph Reutlinger

Dumengia da las Palmas, ils 29 marz

09:30 Ramosch: confirmaziun da

Lauryne Denoth,

Fynn Häfner

e Livio Gottschalk

(cul cor masdà Valsot)

11:15 Tschlin: confirmaziun da

Gianmarco Horber

(cul cor masdà Tschlin)

rav. Christoph Reutlinger vicara Romana Giossi

Volver, per plaschair!

Giantar cumünaivel a San Niclà

i'l cafè sper l'En

Mercurdi, ils 25 marz a partir da las 12:00.

Per plaschair s'annunzchar pro Cilgia Etter:

079 530 70 58

Tanter anzas e plets – temp in cumpagnia

Cun o sainza lana: Tant il profi sco eir il principiant sun bainvgnüts per passantar ün davo-
mezdi pachific in buna cumpagnia.

Venderdi, ils 13 marz 2026, a las 14:00 i'l cafè sper l'En

Cur cha'ls mans lavuran, dvainta il cheu plü quiet. Cun far lavurs a man as faja impissa-
mains i'l ritem d'anzas. Forsa pensaina plü cler cur cha nus fain lavurs a man?

Eu m'allegri!

vicara Romana Giossi

Radunanza generala da la Corporaziun evangelica Valsot

Nossa radunanza ha lö mercurdi, ils 18 marz a las 20:15 in baselgia a Vnà.

Tractandas:

1. salüd e tscherna d'ün(a) scrutinadur(a)
2. protocol
3. rapport dal ravarenda
4. rapport dal president
5. rendaquint 2025 e rapport da las revisuras
– il rendaquint as chatta ün'eivna avant la radunanza sün www.valsot-ref.ch
6. cumprita d'ün orgel d'occasiun marca Felsberg per la baselgia da Vnà
per fr. 50'000.–
7. varia

Sperond sün numerusa cumparsa segna

per la Corporaziun evangelica

Duri Janett, president